

林之辭集注

第二冊

林
祥
集
注
卷
一

楚辭卷第三

集註

天問第三

離騷十三



天問者屈原之所作也屈原放逐彷徨山澤見楚有先王之廟及公卿祠堂圖畫天地山川神靈琦瑋儵倏及古賢聖恠物行事因書其壁何而問之以潔憤滿楚人哀而惜之因共論述故其文義不次序云爾

此篇所問雖或恠妄然其理之可推事之可鑒者尚多有之而舊注之說徒以多識異聞為功不復能知其所以問之本意與今日所以對之明法至唐柳宗元始欲質

以義理為之條對然亦學未聞道而誇多
術巧之意猶有雜乎其間以是讀之常使
人不能無遺恨若補注之說則其厯亂不
知所擇又愈甚焉今存其不可闕者而悉
以義理正之庶
讀者之有補云

曰遂古之初誰傳道之上下未形何由考之

遂往

也道猶言也上下謂天地也問往古之初未
有天地固未有人誰得見之而傳道其事乎 冥

昭瞢闇誰能極之馮翼惟像何以識之

曹莫鄰
反闇與

暗同又作暗馮皮冰反○冥幽也昭明也謂晝
夜也曹暗言晝夜未分也極窮也馮翼氣氲浮
動之貌淮南子云天墜未形馮馮翼翼又曰未
有天墜惟象無形窈窈冥冥莫知其門此承上
問時未有人今何以能窮極而知之乎○右二
章四問今答之曰開闢之初其事雖不可知其

理則具於吾心固可一反求而默識非如傳記雜書謬妄之說必誕者而後傳如柳子之所譏也

明明闇闇惟時何為陰陽三合何本何化化叶

反○明闇即謂晝夜之分也時是也穀梁子曰獨陰不生獨陽不生獨天不生三合然後生○

此問蓋曰明必有明之者闇必有闇之者是何物之所為乎陰也陽也天也三者之合何者為

本何者為化乎全答之曰天地之化陰陽而已一動一靜一晦一明一往一來一寒一暑皆陰

陽之所為而非有為之者也然穀梁言天而不以地對則所謂天者理而已矣成湯所謂上帝

降衷子思所謂天命之性是也是為陰陽之本而其兩端循環不已者為之化焉周子曰無極

而太極太極動而生陽動極而靜靜而生陰靜極復動一動一靜互為其根分陰分陽兩儀立

焉正謂此也然所謂圈則九重孰營度之惟茲太極亦曰理而已矣

何功孰初作之

圜與圓同度待洛反○圜謂天形之圓也則法也九陽數之極

所謂九天也

幹維焉繫天極焉加八柱何當東南何

虧

幹一作筦並音管顏師古云俗音烏活反非也焉於虔反篇內並同加叶音基又如字虧

如字又叶苦家反○幹說文曰轂端杳則是車轂之內以金為筦而受軸者也維繫物之縻也

天極謂南北極天之樞紐常不動處譬則車之軸也蓋凡物之運者其轂必有所繫然後軸有

所加故問此天之幹維繫於何所而天極之軸何所加乎河圖言崑崙崑崙者地之中也地下有八

柱互相牽制各山大川孔穴相通素問曰天不足西北地不滿東南注云中原地形西北高東

南下今百川滿濤東之滄海則東西南北高下可知故又問八柱何所當值東南何獨虧闕乎

九天之際安放安屬隅隈多有誰知其數

放上聲屬

音注數所句反○九天即所謂圜則九重者際
邊也放至也屬附也隅角也○右三章六問今
答之曰或問乎邵子曰天何依曰依乎地地何
附曰附乎天天地何所依附曰自相依附天依
形地附氣其形也有涯其氣也無涯詳味此言
屈子所問也然若發矇矣但天之形圓如彈丸
朝夜運轉其南北兩端後高前下乃其樞軸不
動之處其運轉者亦無形質但如勁風之旋當
晝則自左旋而向右向夕則自前降而歸後當
夜則自右轉而復左將旦則自後升而趨前旋
轉無窮升降不息是為天體而實非有體也地
則氣之查滓聚成形成質者但以其束於勁風旋
轉之中故得以兀然浮空甚久而不墜耳黃帝
問於歧伯曰地有憑乎歧伯曰大氣舉之亦謂
此也其曰九重則自地之外氣之旋轉益遠益
大益清益剛究陽之數而至於九則極清極剛
而無復有涯矣豈有營度而造作之者先以幹
維繫於一處而後以軸加之以柱承之而後天

地乃定位哉且曰其氣無涯則其邊際故屬隅
隈多少固無得而言者亦不待辨說而可知其
妄矣東南之虧乃專以地
形言之初無預乎天也
天何所沓十二焉分

日月安屬列星安厠

沓徒合反分叶敷因反屬
之欲反○沓合也此問天

與地合會於何所十二辰誰所分別乎厠列也
言日月衆星安所繫屬誰厠列也○上章所問
天何所屬并地而言此所問乃為天地相接之
處何所沓也今答之曰天周地外其說已見上
矣非沓乎地之上也十二云者自子至亥十二
辰也左傳曰日月所會是謂辰注云一歲日月
十二會所會為辰十一月辰在星紀十二月辰
在元枵之類是也然此特在天之位耳若以地
而言之則南面而立其前後左右亦有四方十
二辰之位焉但在地之位一定不易而在天之
象運轉不停惟天之鷄火加于地之午位乃與
地合而得天運之正耳蓋周天三百六十五度

四分度之一周布二十八宿以著天體而定四方之位以天繞地則一晝一夜適周一匝而又超一度日月五星亦隨天以繞地而唯日之行一日一周無餘無欠其餘則各有遲速之差焉然其懸也固非綴屬而居其運也亦非推挽而行但當其氣之盛處精神光耀自然發越而又各自有次第耳列子曰天積氣耳日月星辰亦積氣中之有光曜者張衡靈憲曰星也者體生於地精成於天列居錯峙各有攸屬此言皆得之矣

出自湯谷次于蒙汜

自明及晦所行幾里

湯音陽一作暘汜音似上聲○次舍也汜水涯也書

云宅嵎夷曰暘谷即湯谷也爾雅云西至日所入為太蒙即蒙汜也○此問一日之間日行幾里乎答之曰湯谷蒙汜固無其所然日月出水乃昇于天及其西下又入于水故其出入似有處所而所行里數曆家以為周天赤道一百七萬四千里日一晝夜而一周春秋二分晝夜各

行其半而夏長冬短一進一退又各以其什之一焉夜光何德死則又育

厥利維何而顧菟在腹

菟一作兔與兔同○夜光月也死其晦也育生

也月之生也○此問月有何德乃能死而復生月有何利而顧望之菟常居其腹乎答曰曆家舊說月朔則去日漸遠故魄死而明生既望則去日漸近故魄生而明死至晦而朔則又遠日而明復生所謂死而復育也此說誤矣若果如此則未望之前西近東遠而始生之明當在月東既望之後東近西遠而未死之明却在月西矣安得未望載魄於西既望終魄于東而朔日以爲明乎故唯近卅沈括之說乃爲得之蓋括之言曰月本無光猶一銀丸日耀之乃光耳光之初生日在其傍故光側而所見纔如鈎日漸遠則斜照而光稍滿大抵如一彈丸以粉塗其半側視之則粉處如鈎對視之則正圓也近歲王普又申其說曰月生明之夕但見其一鈎至

日月相望而人處其中方得見其全明必有神
人能凌到景旁日月而往參其間則雖弦晦之
時亦得見其全明而與望夕無異耳以此觀之
則知月光常滿但自人所立處視之有偏有正
故見其光有盈有虧非既死而復生也若顧菟
在腹之問則世俗挂樹蛙兔之傳其惑久矣或
者以爲日月在天如兩鏡相照而地居其中四
旁皆空水也故月中微黑之處乃鏡中大地之
影略有形似而非真有是物也
斯言有理足破千古之疑矣

女岐無合夫焉

取九子伯強何處惠氣安在

夫音扶強巨良反
在叶音紫○女岐

神女無夫而生九子伯強大厲疫鬼也所至傷
人惠順也惠氣謂和氣也○此章所問三事今
答之曰天下之理一而已而有常變之不同天
下之氣亦一而已而有逆順之或異夫乾道成
男坤道成女疑體於造化之初二氣交感化生
萬物流形於造化之後者理之常也若姜嫄簡

秋之生稷契則又不可以先後言矣此理之變也女歧之事無所經見無以考其實然以理之變而觀之則恐其或有是也但此篇下文復有女歧易首之問則又未知其果如何耳釋氏書有九子母之說疑即謂此然益荒無所考矣惠者氣之順也癘者氣之逆也以其強暴傷人故為之名字以著其惡耳初非實有是人也氣之流行充塞宇宙其為順逆有以天時水土之所值有以人事物情之所感萬

何闔而晦何開而

明角宿未旦曜靈安臧

闔胡臘反明叶音芒宿音秀臧與藏同○闔閉

戶也開闔戶也陰闔而晦陽開而明角亢東方星旦明也曜靈日也○此問何所開闔而為晦明且東方未明之時日安所藏其精光乎答曰晦明之問前婁發之其實亦陰陽消息之所為耳陽息而闔則日出而明陰消而闔則日入而暗又何疑乎角宿固為東方之宿然隨天運轉

不常在東古經之言多假借也日之所出乃地
之東方未旦則固已行於地中特未出地面之

耳上不任汨鴻師何以尚之僉曰何憂何不課而

行之汨音骨師一作鮡非是或上句不字上有
鮡字尚叶音常曰一作答行叶戶郎反○

鮡事見尚書汨治也鴻大水也師衆也尚舉也
僉衆也課試也○問鮡才不任治鴻水衆人何

以舉之堯知其不能而衆人以爲無憂堯何不
且小試之而遽行其說也答曰鮡之才可任治

水當時無過之者故衆舉之堯則固知其方命
圯族而不可用矣四岳又請姑且試之故堯不

得已而鳴龜曳銜鮡何聽焉順欲成功帝何刑
用之耳

焉鳴處脂反聽叶平聲○鳴龜事無所見舊說
謂鮡死爲鳴龜所食鮡何以聽而不爭乎特

以意言之耳詳其文勢與下文應龍相類似謂
鮡聽鳴龜曳銜之計而敗其事然若且順彼之

欲未必不能成功舜何以遽刑之乎
然若此類無稽之談亦無足答矣
永遏在羽

山夫何三年不施伯禹腹鮌夫何以變化
山字無

施叶所加反又如字一作弛腹一作復筆力反
何下一有故字化叶虎瓜反又音麾○永長也

遏猶禁止也羽山在東海中施謂刑殺之也左
傳曰乃施邢侯此問鮌功不成何但囚之羽山

而不施以刑乎禹鮌子也腹懷抱也詩曰出入
腹我○此又問禹自少小習見鮌之所為何以

能變化而有聖德乎答曰舜之四罪皆未嘗殺
也程子以為書云殛死猶言貶死耳蓋聖人用

刑之寬例如此非獨於鮌為然也若禹之聖德
則其所稟於天者清明而純粹豈習於不善所

乎能變
纂就前緒遂成考功何續初繼業而厥謀

不同
纂作管反緒音叙○纂集也緒絲耑也○此問禹能纂代鮌之遺業而成父功何繼

續其業而謀乃不同如此乎答曰鮌禹治水之
不同事見洪範蓋鮌不順五行之性築堤以障
潤下之水故無成禹則順水之性而導之使下
故有功書所謂決九州距四海濬畎澮距川孟
子所謂禹之行水得水之道而行其所無事是
也程子曰今河北有鮌隄而無禹隄亦一證矣

洪泉極深何以寘之地方九則何以墳之

泉疑當作

淵唐本避諱而改之也寘與墳同則一作州墳
叶敷連反一作憤非是○洪泉即洪水九則謂

九州之界如上所謂圜則也墳土之高者也○
此問洪水汎濫禹何用寘塞而平之九州之域
何以出其土而高之乎答曰禹之治水行之而
已無事於寘也水既下流則平土自高而可宮
可田矣若曰必寘之而后平則是使禹復爲鮌
而父子爲戮矣柳子對曰行鴻下隤厥丘乃降
烏填絕淵然後夷
應龍何畫河海何歷

海一作河
應龍

何畫何歷失韻非是畫音獲歷叶音勒○有鱗
曰蛟龍有翼曰應龍歷過也山海經曰禹治水
有應龍以尾畫地即水泉流通禹因而治之也
柳子對曰胡聖為不足反謀龍知畚鍤究勤而
欺畫厥尾此言得之矣
鮫何所營禹何所成康回憑怒墜

何故以東南傾

○憑皮膺反墜一作地一無以字
鮫禹事已見上六章此不復

答舊說康回共工名也憑盛滿也列子曰共工
氏與顓頊爭為帝怒而觸不周之山折天柱絕
地維故天傾西北日月星辰就焉地不滿東九
南百川水潦歸焉此亦無替之言不答可也

州安錯川谷何洿東流不溢孰知其故

安一作錯七

故反洿音戶舊音烏非是○錯置也洿深也水
注海曰川注川曰谿注谿曰谷○此章三問今
答之曰九州所錯天地之中也川谷之洿眾流
之會也不溢之故則列子曰渤海之東不知幾

億萬里有大壑焉。實惟無底之谷，名曰歸墟。八紘九野之水，天漢之流，莫不注之。而無增無減焉。莊子曰：天下之水莫大於海，萬川歸之，不知何時止而不盈；尾閭泄之，不知何時已而不虛。柳子曰：東窮歸墟，又環西盈，脉穴土區而濁，濁清清墳壚，慘䟽滲渴而升，充融有餘，泄漏復行，器運漉漉，又何溢焉？三子之言，遞相祖述，而柳又明歸墟之泄，非出之天地之外也。但水入於東而復繞於西，又滲縮而升，乃復出於高原而下流於東耳。此其說亦近似矣。然以理驗之，則天地之化，往者消而來者息，非以往者之消復為來者之息也。水流東極，氣盡而散，如沃焦，釜無有遺餘，故歸墟尾閭亦有沃焦之號，非如未盡之水，山澤通氣而流注不窮也。

南北其脩孰多？南北順墜，其衍幾何？
墜一作隋 一作墮音

受又徒禾反。○脩長也。墜狹而長也。衍餘也。○此問四方長短若何？若謂南北狹而長，則其長